

達士王先生者以忠節隱其名永樂初寓居金華府東陽縣之東山自號大呆子儀容俊偉趣識超羣惟披麻戴笠不服常服日盤桓於山南村落之間狂歌自適其與宴游者皆不識其姓氏惟與王姓俱則以宗兄稱之遂以王先生呼焉嘗與村中人曰他日吾逝只祈斂吾尸懸於林杪足矣時又號玉華山樵張三丰聞而嘆曰此建文遺臣也

徐延之

逸士徐延之先生伯齡自號籜冠子錢塘人也天資敏妙書過目不忘特性情踈蕩不拘小節對客每赤足科頭內衣無繫帶行輒委墮人多笑之士大夫慕名而來者一見後卽倦與往還

道藏輯要

三丰全集

隱鑑

三

續畢集七
六二

王原夫

處士王原夫先生逢饒州樂平人也淹貫經史研精理學朝廷屢召不赴深居崖谷冲和淡然宣德初復以明經召見力辭歸家著言行志諸書學者稱松塢先生

俞古章

逸士俞古章先生杭之富陽人也肥遯邱園名聞湖海宦游於浙者皆欲得賭其眉宇爲快正統間藩臬諸公先後封章薦舉不起親友間有勸之者則爲聾病謝之閒游山澤或對木石而